

黃氏宗譜

第一卷

浙江建德(常山)白沙諸地

江夏郡春申堂黃氏宗譜第五次續修

一九四八年十月圓譜

二零一一年十二月第六次續修委員會白沙翻印

江夏故我黃郡封也肇自子歇彰著子霸歷兩漢晉唐間支分不一派別各異遞傳至今殆不啻千支萬派之殊我祖

仁仲公由烏石遷居東邊排垂傳奕祀雖與梅源烏石互异然總屬江夏流芳故特書於左以志芳之所流雲

江 疏

夏 芳

和平者閩之邵武縣村落名號也地廣而沃載烟戶千許祖自錫公由延平擇處聿來胥宇后傳二十一世至峭山公生二十一子族遂蕃衍有慶今支祖仁仲系出雙井井公來自和平是固其餘慶也故特大書於以志慶之所餘雲

和餘

慶平

黃氏得生源流考

伊古顓頊之會孫陸終公其次嗣曰南陸者受封於黃以國爲氏因以姓焉此吾黃氏之本自南陸如昆侖之第一山也自是而嘉也奇也是與舒也厚冕至俞壽諸公也皆世襲於黃已之由來遠矣說者謂閔公失國始有黃氏又謂春秋時黃國興漢陽諸姬會盟中夏爲黃受姓之始豈不謬哉古者姓氏必由天子命賜非臣下所得自專閔既失國黃非復閔有安得據以爲姓且陸終爲顓頊會孫已在帝舜之前距春秋時千數百年餘載若待黃國會盟始有黃姓則夏商周之間黃氏應無聞人今考所公要公及顓頊通衍前景等公或爲相或爲將以兵法水利天文射藝名千古者皆在夏商周之前并非寂已無聞則黃氏得姓斷以南陸爲始矣至江夏郡封淵源有謂歇公爲楚國者烈王相封春申君賜郡江夏有謂西漢霸公爲江夏令因賜郡江夏按史記歇公雖爲楚相封錫未詳霸公爲漢名相治爲天下初爲江夏令詔賜江夏郡褒功寵錫明明良嘉會黃氏得郡源流斷以漢代爲確他如惠香媛琬治行孝行彪炳如兩漢間者不可枚舉黃之派別其布星羅越至東晉錫公遷居邵武和平傳廿一世至峭公生二十一子因各擇地散處各郡蕃衍海宇我黃族系於斯爲盛而支祖井公由和平上居南豐雙井發祥啓后隸豐籍屬者約八十餘族則又盛中之極盛也井公之子有五曰大成大同大忠大用大全吾祖出大成支下則大同大忠等俱屬別祖由大成延推而下傳四十七曰魯公居六都梅源四十九世曰顯忠公由梅源遷居烏石岡五十世仁仲公始由烏石岡遷東邊排吾支祖遷孟公又由東邊排遷楓山頭至我朝初陸續散處浙地先后遷徙地雖不一要皆出自大成即要皆出自雙井而溯其淵源總歸南陸苗裔據禮南陸公當百世不祧願年愈久者世愈遠支愈分者派愈多地既各殊祖亦各異源流之不忘南陸者從乎其最初也一世之各尊厥祖者從乎其始遷也親親之殺禮固然也在昔孝臨川有言曰修譜以十世爲准十世以上從同同信斯言也可以悟源流遠近親疏之有別矣

重修族譜序

聞之禮曰別子爲祖繼別爲宗則祖功宗德有自來矣吾族受姓於始祖南陸公更唐虞三代以及我朝閱三千餘年厚德流光世有哲人繼承先緒世遠年湮奕葉雲仍不無疑信可商之處但先民有作所見異辭所聞異辭所傳聞異辭則信以傳信疑以傳疑夫亦猶是史闕文之遺意耳若吾始祖遷祖仁仲公由烏石岡遷居以來嘗單傳數世引而不發延續至孟華公三支派衍長發其祥不啻黃河自崑崙發源伏行數百裏及龍門積石風發泉涌注已焉以千頃波濤渙漢浩淼挾江漢以朝宗於海而天下之水莫有大於是者矣顧窮大者易失其居而渙者當受之萃譜也者所以萃千百年之精神血氣接於一日抑所以萃億萬戶生井牧而集于堂也況當國家重熙累洽之秋深思厚澤廣被生民使老有所終幼有所長普天之下遐陬僻壤罔弗遂生復性咸賴皇仁況吾族素稱殷庶其蕃育又當何如可勿萃興昔嘗於乾隆壬辰癸巳年間一修譜矣然分修而未之合也夫分而不合則於祖澤之源遠流長孫枝之根深葉茂缺焉未備且更歷數十年而不爲漢史之續則莫爲之后雖盛弗傳矣惟是艱大之任難與圖治文春得族中諸君子毅然以合修宗譜爲己任雖中間不無盤錯而綱舉目張事已就緒閱兩寒暑而功竣南陸公以下百數十餘世荒遠難稽另爲一編列之于前仍舊事而已斷以

仁仲公爲一世祖而是后之生卒遷葬詳書于后文簡而該事詳而核上治祖考旁治昆弟下治子孫誠不朽之盛業也通學殖淺薄謬承諸伯叔父委以文事并命爲弁言深惟才不勝任有辱教言然監叨祖庇早忝膠鬲食稟氣今夏復業督學部院大人擢廷試進士又不護以不文謝受矣公矢慎贊襄其間復撮舉事之顛末以紀其成功詩曰維桑與梓必恭敬止願后賢之觀斯譜者循詩禮之家風篤仁孝之至意以無忘先人之業則幸甚是爲序

嘉慶十四年己巳歲仲冬月上瀚 吉旦

歲進士侯選學正十四世孫通 頓首拜撰

譜之所關大矣哉然修譜難而修之於今日尤難苟聚族而居無保提推遷居於山悠川遠之地者則世系可朝發而夕至或醮有贏餘則取之給如無集腋成裘捉襟見肘之患資爺可左提而而右執今我黃姓發祥於鼻祖南陸公歷百五十九世至我始遷祖仁仲公源遠流長猶得遵舊章而率由不失若自仁仲公上居東邊排以來雖近在十有餘世而由五世祖孟華公劈分三支尋支祖廷杰公由東邊非今析居楓山頭而子孫之由楓山頭而遷居浙江白沙等處者又不下數百家即欽梧兩房子孫土著者半而客籍者亦半分派別其布星羅欲合萬殊而一本也蓋憂已其難之況當國家戶口殷蕃之候薪桂米珠人各有心衆皆爲政欲其捐不敢不愛惜之財以成遷遠可緩之家乘抑又難矣然以爲可緩者利也而不可緩者義也義之所在利不得而奪之于族自壬辰修譜后迄今幾四十年其間昭穆倫序且有覲面不相知者又何論遠方哉予父見事不容已又顧己日近衰邁懼不獲及時修輯告無忝於前人爲生平遺憾緣於舊戊辰之春月囊資興酒義集族中老成及豪杰士會義啓局無行表賢采訪外地世系到局以次修舉則事有緒而功可不勞而成有難於丁賢者必多方代爲籌劃期於事之有濟而后已予謬承族中老成輩以分理編修見任稿懼才不又分不容辭幸從諸賢昆后討論修飾共勉厥事不遺餘力今業有成績敢略紀顛末以明予父子力修宗譜惟是告無憾於列祖焉耳

時

皇清嘉慶十四年歲次己巳秋月 吉旦

九世孫增祖謹識

重修族譜序

昔宋蘇氏族譜引雲觀吾之譜者孝弟之心可以油然而生旨哉言乎吾族自始祖南陸公因對受姓歷唐虞以來三千餘載哲人代出而蔓延於天下前明時始遷祖仁仲公由烏石岡遷居東鄉單傳至孟華公三支派衍迨聖朝景運維新吾族沐浴膏澤化以富以教迄今二百載讀書積文庶日蕃聚處家山者半遷徙外郡都半而總賴是譜以薈萃之自南陸公以下百七十世沿舊存疑首列一編自仁仲公以下十有餘世生卒葬遷詳書於后親盡而不之略情書而無或疏洵與國家教孝教弟之風相為表裏譜之所系豈不大哉前於嘉定戊辰己巳間重修綬時方髫齡已得列書父兄之后厥后春露秋霜敬披是譜見夫世次之審核祠塋之詳繪以及敬宗收族之在遠不遺每嘆老成人所以垂拾后昆者至周且備迺至今三十餘載矣舊章具在續編固易為功工費不貲采集頗難為力惟是莫為之后雖盛弗傳倘不及今重加修輯雖吾族素稱敦睦斷不至視塗人而揆諸三十年一修之義得無孝弟性成者所隱憾乎今春族中諸尊屬慨然集議重修秋間族舅弟采集丁賢來浙并垂謗弁言綬生也晚不才謏陋詎敢言文惟憶綬庚辰入泮時詣嚴郡白少諸處謁族戚厚禮有嘉嗣侍先君子旋裏展祀魚菽之薦裏理如儀且合族迭為賓主與先君子叙舊臚歡綽已怡怡者兩月俱見生逢盛世家沐祥和我族人克繩祖武六德六行相與世守不衰二十年來猶形夢寐然則重修之舉凡在家山外郡綬誠知其必能主持以底於成也况綬濫邀祖底復幸列賢書今又復題名雁塔身入詞林又何敢以不文謝方今聖天子以孝弟治天下重熙累洽率土極濡幸我族姓悉心竭力克底於成俾后之觀是譜者孝弟之心油然而生則仰答聖化世篤前光正未有艾綬雖足足迹陰武林未克追隨文事亦竊與有榮施焉爾是為序

道光二十有五年歲在乙巳孟冬之月

賜進士出身

欽點翰林院庶吉士加一級

十四世孫廷綬謹撰

舊序

嘗聞譜之可關者甚大而創之不可不亟然志不齊力不一明乙以后世當爲之事而因循懈怠苟值世遠年湮高會考妣暨其遐邇親疏詰之子孫究莫特焉誠譜之不可不修修之不可不急也幫家之有譜國之有史豈小補雲乎吾十五世祖 顯忠公由梅源而居於烏石長子 仁仲公由烏石而徙於東漢叨承 祖宗遺澤得衍嗣裔昌繁奈星散外郡衆心不合難以盛舉派歷

仁仲公爲一世始祖又必取法歐蘇二氏五世一提引已繩繩珠貫絲聯自 道光乙巳年東邊楓溪合修迄今三十載矣兼因兵亂窠多殘編斷簡之無存恐世年深日遠難以悉計生歿年月遷徙考妣墳塋別嫡庶序親疏而遺亡也 茲於念切水源本序于癸酉歲諏吉會議開局重修今而不脩后更難纂俾來世之人雖肖子賢孫身膺縉紳欲究其所從來而亦無由較之於今難矣從此人主地靈從皆豪俠奮作竭蹶共當遠大之維一則可以丕彰祖烈一則可以垂裕后人雖不能報於先人之本亦以參乎嗣裔之誠而今而后吾 黃氏之譜一旦渙然可觀矣噫后世亦當閱系圖溯原本以代代相續也是作一序

時

同治十二年歲次季春月

十五世孫大江敬撰

重修族譜舊序

聞之禮曰別子爲祖繼別爲宗則祖功宗德由自來矣吾族世居閩地始遷南豐派辦裏外族分上下大小丁繁先后年齒不一條規甚嚴倫明五服至五服之外仍加勉焉蓋人有此身仰事資財以生然國有惟正之供人有義中之利家修廷獻廉節爲先固禮所尚也我祖 仁仲公遷居東邊排派衍于今數百餘載爲我黃姓之淵源第板聊瓜綿聲名甲于天下迄前明時復有廷杰 又遷徙楓溪計自 仲秀公支下派衍十有餘世則生齒愈蕃乃萃渙不一守居家鄉者有之散處外郡者亦有之蓋士爲四民之首農爲食力之本苟能致身勤業所謂世德作求也粵稽吾族譜牒前次續修于道光乙巳計自遷居浙地以來惟有嚴建白沙一處而烟戶稠密人丁數百有零念及我祖聿來胥宇甚可聚族發詳于茲然歷數已久而世風不古殊見桑田變換第咸同之間被匪擾攘浙地則嚴邑諸縣受累更深于他境是以吾族子姓至十存其一豈非其天道無親而又姜中不足歟今則同治癸酉族譜又經重修局內諸人略念誠心之若莫比遠年客姓談論首士人等緊手提防了辦遺失難言丁稿生歿墳墓葬處遠近不如何方各房親丁查明不清難以悉計倘有錯誤等情非怪采訪肩任至與局內無涉孔子有言曰生事之以禮死葬之以禮是之謂歟又有曰孝子不匱永錫爾類吾族子孫尚其最諸

時

同治癸酉年季春月中浣

吉旦

十四世孫振財謹撰

黃氏纂修族譜序

夫天地者萬物之本也祖宗者子孫之本也天地愛其所生祖宗喜其所出萬世不易之道也如國有史而家有乘均所以系人心立教化也故史不核則綱紀壞乘不修則倫紀斁其始一人之身不綜也其源而別其流幾何不至予秦越相見耶余閱黃氏家譜駭然風古奇觀何有如是者矣黃姓出于顓頊之后陸終之子其名南陸受姓其始也炳標唐虞三代以前迨后秦漢兩晉以及唐宋世已晉封不絕名著史策族延寰區代遠年湮余難盡述再推始遷烏石岡第一世 祖仁仲公美積功累仁根培深子孫綿衍昆季瓜分湖斯系也則有幸追祖德神游故鄉愛見懽聞感極而悲者矣至國初子孫陸續遷浙迄今二百餘年支庶頗蕃勢不能不與祖族分修宗譜然一支有一支之世系一派有一派之源流日昌日熾燦列星羅則昭穆不清是尊卑有統家傳禮讓之風戶敦孝友之化共爺太平咸沾聖天子之惠澤古道化醇溥萬邦上承祖武以勿替下啓雲仍於無窮猗歟休哉風何隆也乃知國有史而家有乘則知前人之發迹有自而傳頌不朽焉耳是爲序

皇清光緒二十五年歲次己亥冬月 吉旦

三級

恩賜徵政大夫紹郡諸暨乙丑恩科舉人斯

康拜撰

纂修族譜序

竊聞人之有祖猶木之有本水之有源間嘗游覽山川見夫木之茂者其根必深水之流者其源必遠是子孫之繁衍其由于祖宗之有德也明矣我黃氏一族自南陸公受封于黃因以爲姓歷唐虞以來千支萬派殆難悉陳至戰國時則有歇公爲楚烈王相封春申君生子十三皆貴椒衍瓜蕃蔓延宇宙以迄有唐則有岳公居邵武和平官至工部尚書因朱溫篡唐而解組歸裏生子二十有一俱各成立受命瓜分異郡各爲一族我始祖井公由和平已居南豐傳數十世基布星羅支分派別族遂大昌歷元至明仁仲公又遷徙東邊排傳五世至孟華公生子三長子廷杰公隔居楓溪運會由衰而盛生齒又自此日繁厥后子孫聚家山者半分徙外州郡者亦半至國初有陸續遷至浙地迄今已八世于茲歷年既久支庶亦每繁子孫繩繩殆有如木之所謂茂而流之所謂遠者矣然葉茂則必分枝流遠則必分派族蕃則必分支勢使然也裏自初遷浙地以來雖與家山隔如秦越而累次議輯議修非僅浙地旁搜親疏之丁稿并歸祖家合修即分支異郡亦莫不如江漢朝宗于海以爲三十年之一盛會也前同治癸酉間會至祖族合修宗譜一次迄今將三十年矣歲月已久采集之力難寬倘不及今重加修輯恐數傳而后其間昭穆序倫觀面相視幾如路人即后之人欲考世系所由來亦孰從而求之哉受子戊春合族集議有以仍往祖家合修爲說者但道途跋涉往返艱難財力有所不繼故變色鏡以居嚴一派另修遂于建邑之白沙而開局采浙地之丁稿以纂修猶喜贊裏有人閱二寒暑而告竣族長受命議序以志盛衰夫序者叙也叙陳此事而不使有缺失也然儀年幼學淺陋不才深恐不稱其職但憶儀祖父兄弟四人不幸自遭發逆之亂繼以凶荒兼以疫癘所幸不填溝壑者僅儀之祖與父已耳噫何遭家之不造一至此也儀父因勤儉自勉衣食不敢稍奢積數十年家場不復振愛不惜多金入建籍于丙申之歲儀叨祖庇游泮宮于丁酉之春今又勞于譜事摘觀厥成僉雲儀父可謂無忝所生矣然亦總賴祖有厚德得留一綫之遺以致此也儀安敢自憚鄙陋而不謹序巔末哉

光緒二十五年歲次己亥冬月 吉旦

十六世孫用儀沐手敬撰

黃氏重修族譜序

國之立史家之紀乘均所以激人心立教化故也史不核工業無以整綱紀乘不修無以敦倫常綱紀不整則奸佞生而國是非倫常不敦則悖逆生而禮議廢循是而世道衰微人心險惡於是國將不國家將不家又烏能繼生立絕於千萬年乎是故我黃氏一族溯自南陸因封受姓歷唐虞以來千支萬派族延寰區綿衍至今而昌大者賓為先祖輩收族立乘之功也我始遷祖仁仲公由豫章烏石岡起家單傳至孟華三支派衍厚德流光哲人代出溯源探宗咸賴是譜以會萃之自 孟華公以下歷十六世生卒遷葬歷修而不泯世次之審核祠塋之詳繪以及遠近祖宗備載不遺厥后春露秋霜莖嘗不廢此先祖先宗所以遺后昆者至周且備乃自遜清光緒二十五年冬一修以后迄今已五十餘年在此五十年間中經民國肇立南北東西之戰廿六年秋又遭抗日軍與族人奔走避亂歲無寧日殉難死節者有之奔避他鄉者有之當茲時亂年荒米桂薪珠人皆奔避不遑寧有力為漢史之續今舊章雖在續編固易然經此世變之后不僅族戶分散採訪易而支衍派別放核更難惟是義之所在雖難不能無為此固吾族諸長同人引為遺憾者也而揆諸三十年一修之義更有慚於先人因而遺羞於宗族可平戊子之春我族尊諸長慨然集議重修閱三月來訪告竣設局開盤百端就緒余謬承諸宗長以校正見任并委以文事命為弁言深懼才識不稱有辱教言然以義之所在不容辭附從末議討論啓局共勸厥事非以敢自詡謹略紀顛末以不忘我列祖善德繼述家傳禮讓之風用敦仁孝之義啓雲仍於無窮垂祖澤於不朽此諸尊長與余之所以有望於來茲者也是為序

時

中華民國三十七年歲次戊子季冬月

吉旦

十七世孫道笏謹撰

黃氏族譜目錄

右譜每部分為十四本取地支并加首末合成十四字以昭次第

道字 卷之首至二

江夏流芳 和平餘慶 源流考 新舊譜序 總目 凡例

家規 舊字派 新字派 歷代首士芳名 領譜字號

峭山公行賓 像贊 源流吊圖序行

子字 卷之三至四

仁仲公至孟華公世系 廷志公五代世系長房文星公支下世系

丑字 卷之五永茂永高二公

用字行 次房文光公世系

寅字 卷之六 上

三房文顯公 思尚公支下世系

卯字 卷之六 下

三房文顯公支下思袖公世系

辰字 卷之七

四房文宗公支下永聖永盛二公世系

巳字 卷之七 續

四房文宗公 永聖支思惠公世系

午字 卷之七 續

四房文宗公支下永泰公世系

未字 卷之七 續

四房文宗公永盛支思瑞世系

申字 卷之八至九

廷欽公五代世系

長房仲松公支下世系

酉字 卷之十至十二

次房仲桂幼三房槐楷三公支下世系

戌字 卷之十二

幼房仲槐公支下文燭世系

亥字 卷之十三

廷梧公支下世系

廷用公永路公世系

廷鑒公永德公世系

未字 卷之十四

傳文 廷灑公祠堂圖 祠堂記

浙嚴建德白沙新祠堂圖 新祠堂記

屋基圖 墳山圖 田產